

JAS -

Zwakə

Sagi tə,

Zwakə

nə púpúní

Zwakə sagi tə yuu wa sugu

Lìù tə, v nə púpúní sagi ku tə

Ku wàá ku yarı Zwezi nyánú Zwakə nə púpúní ku. U yın *Kərisə là púlí
tə yáá tián batwa tə wa liù don *Zwerizalemə nə.

Llà tə nə, v nə púpúní

Zwakə púpúní v sagi tə, v pa *Zwifə-ba nə, ba nə jigə *Kərisə là, də ba
duən tə nə, ba nə tà Zwifə-ba, ba me nə pwè ba sú luu mama wa.

Sagi tə wa sugu

Nəŋə ku tə yırı, v nə púpúní ba nə: Sagi ku tə yí yìèn tə nə cé duən yuu
wa sugu, Zwakə ga wà tə lı v tún, sə ba lwarı nətu tə, tə nə púé duən kwa.
Tə yìèn təntə nə yı:

yoo tə, ku nə pın ba lwarı liù dèń, də v nə me, sə v píní wuuu, v dàn
ká píl v kə v kwa,
də wubɔŋa yoo,
də yıjɔnı yoo,
də jıjə tián də zura yoo,
də liù púé yokukwınan fira yoo,
də yoo tə, ku nə dádén, sə ku yigu liù, ku pa v tun yokukwuɔn yoo,

də Yu sugu tə də ku nii zìlǎ yoo.

Yoo tə, Zwakə nə swə, sə v swìn, ku mù nə yì nətʊ tə, *Kərisə lìà tə nə mɛ, sə ba ya dɪn mama. U swìn zənzən yoo tə yuu wa, v nə tàà ku yiri, v púpúní v sagi tə: Nətʊ tə, liù nə ken v waa Zwezi nə, v nə mɛ, sə v tun, də v nə ba ku tutuŋi tuŋa, ku yì tutu.

1

Təntən jùnà bwálí

¹ À mù Zwakə nə púpúní sagi ku tə, à pɪn á mù *Zwifə-ba dwíá dəkurən fugə bələ tə nə, á nə dəri á zu lʊv tə mama wa. À mù Zwakə nə jùnì aba. À yì Yu də *Yuu-Tiu Zwezi-*Kərisə tutunbiu.

Wubuŋa yuu wa kàrà

(Romə tìán 5.3-5, Matìə 7.7-11)

² À nubia-ba, á mɛ, sə á jə pupwən zənzən, də yìèn yirə tə mama, tə nə wá wuwali aba. ³ Ndə á nə yèé nətʊ də, á nə kəni á waa Zwezi nə, á ga wà dugv tə yìèn tə mama wa, á wá ya làà tə, á nə jə pínú. ⁴ Á mɛ, sə á ja pínú máná mama, á ja va á gúrí tə yìèn tə mama wa. Yá á dǎn wá ya làà tə, Yu yìèn tə nə bɪga á yuu wa, á ga sú tə mɛ wa cígá cígá, won də ga bá mùrì aba.

⁵ Yá də wubuŋa nə mùrì á wa liù don, ku mɛ, sə v lòrì wubuŋa Yu con. Yu yàá pa liù mama nə də cígá cígá, v ga ba caga. Yá Yu dǎn wá pa tə ku tíú nə. ⁶ Liù tə, v nə lòrì Yu con, v mɛ, sə v pa cígá də, Yu wá pa ku tə, v nə lòrì. U mɛ, sə v dǎn ká bèé. Liù tə, v nə bèé, ku tíú yì ndə nakuli nə, voo dǎn nə yugə ku keni, ku tə swə lá. ⁷⁻⁸ Ku mù ləzwənyiri təntə yì pwíí bələ tíú. U ba tuntian yoo jə, də ku tə mama, v nə fwa. Ku tíú wà mɛ, sə v bún də, *Yuu-Tiu wá pa wá won.

Zuri də jɨjə yuu wa kàrà

⁹ Liù tə, v nə yɨ nə nubiu *Kərisə yɨɹi, wàá zuru v yanɨ, yá v jə dun Yu yáá con. Ku m̀də nə pɨn, v mɛ, sə v bwi v tiàn. ¹⁰ Jɨjə tíú wá tɨ, ndə gapuni nə. Ku m̀də nə pɨn, nə nubiu tə, v də nə yɨ jɨjə tíú, v də mɛ, sə v bwi v tiàn, Yu nə mun wá tə yɨɹi. ¹¹ Yɨcau nə pɛ́n, ku lɨɹɨ nə mà gapuni nə, ku yàá tɨ ku k̀. Gav tə puni tə yàá tɨ, ku zəni tə ga jén. Mə ku wá ya nətu, ku pa jɨjə tíú nə. U də wá tɨ v jén, ndə gapuni tə nə. Ku yoo təntə wá tun v t̀t̀t̀nán tətəɹi wa.

Yu ba liù yigə, v pɨn v tuɲa yokukwɨɹn

¹² Pupwən liù nə yɨ liù tə, v nə jɨn pínú də yìèn tə nə d́d́d́n, sə tə yigu wá, sə tə pa v tun yokukwɨɹn. U nə pían v diàn wɨwalu tə v zwè, v wá na mu, ku nə ba zwè Yu con, yupuu. *Yuu-Tiu nə kàn nii də, v wá pa ku mu təntə lià tə nə, ba nə swə wá. ¹³ Mánjá tə, yoo nə d́d́d́n, sə ku yigu liù, sə ku pa v tun yokukwɨɹn, v wà mɛ, sə v swìn də, ku yɨ Yu nə tun ku v nə. Liù wàɹi Yu v d́d́d́n, sə v yigu wá, v pa v tuɲa yokukwɨɹn. Yá v tətə bá d́d́d́n, sə v yigu liù v pa, sə ku tíú tuɲa yokukwɨɹn. ¹⁴ Liù tətə pùé yokukwɨɹn fira nə yàá d́d́d́n, sə ku yigu wá, ku pa v tun ku, yá ku dàń yàá gɨgarɨ wá ku kə cuna wa. ¹⁵ Ku kwa nə, pùé yokukwɨɹn fira tə dàń yàá jì cuna. Yá v dàń nə tun cuna tə v zwè, tə dàń yàá ja tian tə bà.

Bwálí tə, yìèn nə zɨga tə d́d́d́n, sə tə yigu liù, tə pɨn v tuɲa yokukwɨɹn

(Zwan 3.27, Galasi tiàn 6.7-10)

¹⁶ À nubisoni-ba, á dàná ká gɨgarɨ á tiàn! ¹⁷ Tarpiɹn nəzəɲu tə mama, də cígá cígá zilé won yɨ ku naɲa Yu con. U m̀də Yu təntə nə fwa poni. U m̀də Yu təntə ba lwàní, ndə yɨywara nə lwàní nətu. ¹⁸ Yu twá v cígá sugu tə nə, v pa nəba mu. Yá v dàń pià, sə nə ya ndə v təntən lià nə, wiən tə mama

yuu wa, v nə fwa.

Nətu tə, nə nə mɛ, sə nə tun də Yu sugu tə

(1 Piyeɾə 2.1-2, Matia 7.21-27)

¹⁹ Á nubisoni-ba, á mɛ, sə á yəni də, á liù mama mɛ, sə v di v tiàn tia, v ma cugu ba duən tə sugu. Ku wà mɛ, sə v bɪbarɪ v swìn. Ku wà mɛ, sə v luŋa də zàn lala. ²⁰ Á yèé də, liù luŋa nə zàn, ku tíú bá fwa ku tə nə ziən Yu yáá con. ²¹ Mə ku mù nə pɪn, á dān mɛ, sə á yá durən yiri mama, də wulɔŋu yiri mama. Yu ken v sugu tə á waa, ndə ba nə cwən tiú nətu. Á mɛ sə, á cugu ku sugu təntə də bɪcabwanu. Yá sugu təntə nə wá pa, Yu jon aba á cuna wa.

²² Á mɛ, sə á fwa ku tə, Yu nə swìn v sugu tə wa. Á dānà ká cugu ku tə, Yu nə swìn, cɪcɪ. Á nə buŋa də, ka cugu tə cɪcɪ nə mɛ aba, á yɪ á tiàn nə á gɪgarɪ. ²³⁻²⁴ Liù nə cugu Yu sugu tə, v ga ba fwa, ndə ku nə wó nətu, ku tíú yɪ ndə liù tə nə, v nə ywàń v yáá zəŋə wa. U nə kèń v yá zəŋə tə, v swèé v yáá tə nə yɪ nətu. Mə nətu nə, ku pa liù tə nə, v nə cuga Yu sugu tə, v ga ba fwa ndə ku nə wó nətu. ²⁵ Yu sugu tə yɪ cígá sugu. Ku mù nə pɪn, liù tə, v nə ken v pubuŋa v sugu təntə nə, v dān mɛ, sə v vwa v tiàn ku nə mánjá mama wuuu. Yá ku mù nə wá pa, v tɪnɪ v tiàn. Ku wà mɛ, sə v cugu ku, v ga pɪlɪ v swèé ku mánjá don wa. U mɛ, sə v twá Yu sugu tə nə, də v waa mama. U mù liù təntə wá ya pupwən wa v tutuŋɪ mama wa.

²⁶ Liù tə, v nə buŋa də, v twá Yu nə zəni, v ga ba v nii janɪ, v yɪ v gɪgarɪ v tiàn. Yá v nə twá Yu nə, tə yɪ tutu. ²⁷ Liù tə nə twá nə nyɪna Yu nə də pùé nədu, v bɪcan ga yɪ nəpon, v mɛ, sə v fwa yìèn tə tə. U mɛ, sə v san bitara də kadənə nə, ba nə wulə pucunɪ wa. Ku tə súrí lá, v mɛ, sə v dān ká pa, lià tə, luu nə tɪ, ba cùgò wá.

Dàn ká ja liù, n ma kwanı v don kàrà

¹ À nubia-ba, á ken á waa Zwezi-**Kərisə* nə. U yı nə **Yuu-Tiu*, v ga jə dun də. Á wà mɛ, sə á zílí liù don, á ga yá v don. ² Á nəŋə yoo nə, sə nə ma man ku: Bɛɛ nə v ken síán jífíla, v zu gànù, ku nə cícúli, v ja bà á jéré wa. Zuru don də, v nə zua gangwıru, v jə bà á jéré tə wa. ³ Á yàá zílí bɛɛ tə, v nə zua gànù, ku nə cícúli tə, á swìn v con, á wú: «Jèń yáá bwálí nəzəŋu tə wa!» Á ga swìn zuru tə con, á wú: «N mù, zıgı yu nə lá con!» Nə à yèé: «Jèń tia à nɛɛ dèń!» ⁴ Á cígá nə fwa ku nətu, á yı á kúrí ba duən wa. Á tì v don, á ma kwanı v don. Ku nətu tə yı á pubuŋi kukwınan tə nə pın, á ma pwè ba duən wa.

⁵ À nubisoni-ba, á cuga zəni. Á yèé də, Yu kúrí zura, là tə, luv nə tı, ba yía yuu. Ba mù zura təntə kəni ba waa v mù Zwezi nə wuuu. Ku mù nə pın, ba yı jıjə tián, v mù Yu yáá con. Ku nə súrí lá, ba là tə wá twá ba dó pàrì də v mù Yu. Pàrì təntə ya Yu nə kàn nii, sə v pa là tə nə, ba nə swə v mù Yu. ⁶ Yá á mù dāń ba zura zílí, á zunu ba. Á ga yèé zəni də, jıjə tián tə nə yáá dó dián á yuu wa. Ba mù nə yáá ja aba, ba va là tə, ba nə bùrì bura, yáá con. ⁷ Mə ba mù jıjə tián tə nə yáá kukulı Zwezi yırı nəzəŋu tə á nə twá ku nə, ba ma yı **Kərisə* là.

⁸ Yu yı pùú. Yá á fwa zəni, də á nə twá v nii tə nə. Ku púpúní Yu sagı tə wa, ku wú: «Sóní n yıra liù ndə n tətə nə!» ⁹ Ku mù nə pın, á nə kúrí là duən wa, á fwa cuna də Yu. Yá Yu wá twá v **nii* tə nə v bırı də, á yı cuna là. ¹⁰ Á tíó ku tə, á ma man: Liù don yáá twá Yu nii tə yìèn tə mama nii nə, yá ku tíú ga cùgù tə wa yoo nədu nə, v cùgù tə mama nə, Yu yáá con. ¹¹ Yu tə, v nə wú: «Dàn ká cwàrì!» U mù nə kùb wú: «Dàn ká gu də!» Yá n dāń nə ba cwàrì, n ga gu liù, n jıgə Yu nii tə mama cunu. ¹² Yu bura təntə wá pa, á tını á tián. Á pian á níó sùràn, də ku tə á nə fwa, ya ndə là tə nə, Yu nə wá bùrì ba bura. ¹³ Á nə ba liù yinəgə dəri zənzən, mánjá tə wa, Yu nə wá bùrì bura, v də bá dəri á yinəgə zənzən. Liù tə, v nə dəri là yinəgə zənzən,

u wà me, sə u pa Yu bura fən ja wá.

Nətu liù nə wàá u biri də, u kəni u waa Zwezi nə

(Galasi tián 5.6, Ebərə-ba 11.17-19, 31)

¹⁴ À nubia-ba, á tíé ku tə, á ma man: Liù don u nə swìn də, u mù ken u waa Zwezi nə, yá u ga ba tutunzəŋə tuŋa, u ma biri ku, ku nətu tə ba dən̄ jə. Yá ku tíú tə dàn ká bún də, ku wá jon wá u cuna wa. ¹⁵ Á nəŋə yoo, sə nə ma man ku: Á mù lià tə, á nə yi nubia *Kərisə yiri, tə wàá á nubiu don á ni, ku tíú nə ba u yira gànò jə, u ga ba u nii wodiu də jə. ¹⁶ Á wa liù don dān swìn ku tíú con, u wó: «Yu wá pa mú bican sǐí. Yu nə wá pa mú gànò, u ga pa mú wodiu, n dé n sú.» Də á nə wà wiən tə pɪn, tə wá san wá, sə u ma ya luu wa, ku nətu tə ba dən̄ jə. ¹⁷ Mə ku yi nətu, ku pa á mù Kərisə lià tə nə. Á nə ken á waa Zwezi nə, á ga ba ka tutunzəŋə tuŋa, ku fwa ndə á kùb ba á waa kəni Zwezi nə. Yá ku dān yi ndə won nə tɪga.

¹⁸ Á wa liù don nə swìn, u wó: «Lià duən wulə, ba nə ken ba waa Zwezi nə, ba duən də wulə, ba nə tuŋa tutunzəŋə.» À mù wá le ku tíú, à wó: «Biri nə, nətu tə liù nə wàá u waa u kəni Zwezi nə, u ga ba tutunzəŋə tuŋa. Yá à də wá twá à tutunzəŋə nə, à biri mú də, à ken à waa Zwezi nə.» ¹⁹ N pɪn cígá də, Yu yi nədu. N fwa zəni. *Zinə də yèé ku nətu tə, yá fən yáá ga zu tə.

²⁰ Zɪbanənyɪn tíú, n bá yá, sə n nì naaa? Liù nə kəni u waa Zwezi nə, yá u ga ba tutunzəŋə fwa, u nə kəni u waa Zwezi nə tə cɪɪ, ba dən̄ jə. ²¹ N yèé də, nə nɪbɛɛ *Abərahəmə tì u bìú *Yɪzakə, sə u ma fwa *jɔŋi Yu jɔŋi bwálí tə yuu wa, u pa Yu nə. Yá Yu dān jəli wá də, u yi cígá tíú u tutunzəŋə tə yiri. ²² N na də, Abərahəmə nə ken u waa tə Yu nə, yá ku də u tutunzəŋə tə twá duən. Yá ku yi Abərahəmə tutunzəŋə tə nə biri də, u ken u waa Yu nə cígá cígá. ²³ Mə nətu nə ku twá yoo tə, ku púpúní Yu sagɪ tə wa, nii ma sú: «Abərahəmə ken u waa Yu nə. Ku mù nə pɪn, Yu jəli wá də, u yi cígá tíú u

mù Yu yáá con.» Yá ba dàń boŋə Abərahama “Yu dabεε.” ²⁴ Á na də, ku yi ku twá liù tutunzəŋə nə, Yu ma jəli ku tíú də, v yi cígá tíú nə. Ku tà ku twá liù nə ken v waa Zwezi nə cici yiri. ²⁵ Mə ku yin nətu ku pa, kacwaru tə nə, v yiri nə yi Rahabə. U jun *Yizərayelə*f1* lià tə, ba nə tun mánjá don wa, v tuu wa. U san ba, v pa ba pĩ ba twá cwəŋə don ba vií. Yu jəli wá də, v yi cígá tíú nə v tutunzəŋə tə yiri. ²⁶ Á yəə də, siŋu nə təlɛ ləzwənə yira, v yi v tɪga. Mə ku yi nətu də, nə nə kəni nə waa Zwezi nə, yá nə tùtùnnán ga ba ku biri, nə waa tə yi ndə won nə tɪga.

3

Á jana á níó zəni!

(Romə tián 3.13-14, Matia 12.33-37)

¹ À nubia-ba, á dànà ká pa, á ya dání zənzən, á nə yi karnyina-ba. Bura tə ba nə dànì, sə ba buri nə mù lià tə nə yi karnyina-ba tə, diàn wá doni ba duən tə nyiən. ² Nə yáá fwa cuna yiri yiri nəε kapupu. Liù nə ba v sùràn swìn v fwa cuna tə wa, ku tíú tə yi liù tə, Yu yìèn tə nə bɪga v yuu wa, v ga wàá v tiàn yoo mama wa. ³ Nə yáá kə kwìén sisan nii nə, sə nə pa, ka sè nə nii, sə nə tɪnɪ ka mama míámíán. ⁴ Á nəŋə níá yuu bori nə dáá nətu! Ku də ku dání tə mama, ku jə volan ku wa. Liù nə jə ku volan təntə nə, v wàá v pɪn, ku vɛli bwálí tə, v nə pìà. Voo nəfaru nə swə ku yugə ku nətu mama, ku yi ku bwálí tə, liù tə nə kəni ku nə, ku yáá vɛli. ⁵ Mə ləzwənə nəndəli yi nətu, ku yi nəmanbiə, ku yoo ga cà. Á nəŋə, ku nyin ndə mənɸwana nə, ku wàá ku pɪn, gau nəfaru kwé mən. ⁶ Ləzwənə nəndəli yi ndə mən nə, luu cuna tə mɛ wulə ku wa. Mən təntə yi tə naŋa mən diə. Mə tə mù cuna təntə, nə yáá cùgù nə mu tə mama, ku nə zɪgɪ nə lɪru, ku vɛli nə tian. Ku ga yi nə yira tə wa wobìə don. Ku cuna tə yáá pwarɪ nə yira tə mama. ⁷ Ləzwənə wàá diàn, v dé vəná yiri mama yuu wa. U wàá diàn, v dé gau

vàná, dɛ zɔŋi dɛ wɔnənən, dɛ níá wá wíən yuu wá. Ú cígá gá dɛ diàn tɛ wíən tɛ yuu wá dɛ. ⁸ Yá lɛzwənə tɛlɛ́, ʋ nə wàá diàn, ʋ dɛ ʋ nɛndɛli yuu wá. Ku yi wolwan tɛ, liù nə wàrì ʋ janì, ʋ pɪn ku zɪgá yáá nɛdʋ. Ku súé dɛ cwan, ka nə lɪ mu. ⁹ Nə bwɪ nə *Yuu-Tiu nə, ʋ nə yi nə nyɪna, dɛ ku nɛndɛli tɛntɛ. Yu fwa lɛzoni ndɛ ʋ nyɪnyɪgá nə. Yá mə ku nɛndɛli tɛntɛ tɛtɛ nə, nə ma zɪrɪ, nə kɛni ba nə. ¹⁰ Bura dɛ zɪra naŋa ku nii nɛdʋ tɛ wá nə. À nubɪa-ba, á dɛnà ká pa ku ya nɛtʋ dɛ aba. ¹¹ Nazɛŋɛ dɛ nakɔkwɪnan wàrì nabuliyii nɛdʋ wá tɛ naŋa. ¹² À nubɪa-ba, kapɪrʋ wàrì sìán ku zɪŋa. Nə à yɛ̀ə kacɔv wàá kapɪra ku zɪŋa. Nacwɛŋɛ tɛ ku níá nə yi nakɔkwɪnan wàrì nəzɛŋɛ ku buli abada.

Wubun̄a t̄ə, K̄ərisə liù n̄ə m̄ə, s̄ə v̄ ja

(Efɛzə tián 4.1-3, Filipə tián 2.3, 1 Korəntə tián 3.3, 1 Piyerə 3.4, Romə tián 14.19)

¹³ Lìù wulə á wa, ku tíú nə jə wobuŋa naaa? Lìù wulə á wa, u nə jə yənu
naaa? Ku tíú mə, sə u ya b̀à̀b̀à̀, u ga twá u tutunzənə, u ma biri də u jə
wobuŋa. ¹⁴ Á nə jə wugwiu, á nə jiɡa də duən nə, sə á doni duən, á dān mə,
sə á yá fwíə tə nə. Yá á dànà ká kunı kunkun, á zigi cíɡá tə nə. ¹⁵ Ku tíú
wobuŋa tǝntə tà ku nan Yu, ku yi *Sítana nə pin ku wá. Ku yi tia yuu yìèn,
ku ga yi ləzwənə fira yìèn. ¹⁶ Yoo mama yi gurə gurə, bwálí tə nə wugwiu
ně wulə, lià tə ga jiɡa də duən, sə ba doni duən. Yá yokukwinan yirə
mama wulə ku bwálí tə nə. ¹⁷ Lìù nə jə Yu wobuŋa tə, u bicani yi napon. Ku
wobuŋa tǝntə kəni síš lià bicani wa, ku ga pin ba waa bwànì duən yuu wa.
Ku mù nə kəni nimaru lià pwéré wa. Ku pin lià dəri duən yinэгэ зэнзэн,
ku yoo ga ziən. Ku mù wobuŋa tǝntə ba lià kúrí duən wa, ku ga tà níś belə
tíú wobuŋa. ¹⁸ Lià tə, ba nə swə bicani síş, ba mù nə kəni tə síş tǝntə, ba mù
də ba yura lià pwéré wa, ndə ba nə dùè wiən. Yá ku tə, ba nə wá na, ku wá
biri də, ba yi cíɡá tián Yu yáá con.

Lìu nè tũa v pùé yokukwınan fıra, v ba Yu nii zìlí

(1 Timote 2.8, 1 Zwan 2.15-17, Likə 18.13-14)

¹ Jara də jaŋa wulə á pwéré wa. Tə yìèn təntə nan yèn tə bà? Ku yí á pùé yokukwınan fıra nə pın, ku yí nətú. Tə yìèn təntə nə wulə á yıra tə wa, tə pa á zıga duən nə. ² Á yía zua lià wiən, á ga wàrì tə á nı. Yá ku dān pın á jì lagura. Á súé də wugwu, á ga wàrì wiən tə, á nə pìà á nı. Ku pa jara də jaŋa zàn á pwéré wa, ku yoo tə yırı. Á ba tə wiən tə jə, á wà tə lòrì Yu con yırı. ³ Máná tə, á nə lòrì də, á ba nı, á pubũa tə nə ba zìen yırı. Ku yí á lòrì, sə á ma tun á pùé yokukwınan fıra.

⁴ Á yá Yu, ndə kacwarı nə yá v barı nətú. Á yèé zəni də, luu ku tə wiən tə sonu yí Yu duŋı. Lìu tə, v nə pìà, sə v twá luu yìèn tə tə kwa, ku tíú wá jì Yu duŋv. ⁵ Á dānà ká bún də, ku tə Yu nə swìn v sugv tə wa, yí tutv. Ku swìn də, Yu súé də wugwu nə siŋu tə fıra tə yırı, v nə pın nəba. ⁶ Yá ku tə nə dwə tə mama, ku mù nə yí pubwanv tə, v nə pın nəba. Ku swìn Yu sagı tə wa ku wó:

«Yu zıga lià tə nə, ba nə jə fwıə, v ga fwa pubwanv ba tə, ba nə mun ba tiàn yıra.»

⁷ Ku mù tə yırı, á zìlí Yu nii. Á via *Sitana con, v wá dəri, v va yinunı, v yá aba. ⁸ Á twənə á yí Yu yıra, v də wá twən v yí á yıra. Cuna lià-ba, á lua á jìàn durən wa. Pwıi bələ tiàn-ba, á lua cuna á bicanı wa. ⁹ Á pian á yinəgə ja á tiàn. Á kənə á tiàn lúé wa, á kwíé! Á mumun wá jì kwirə. Á pupwən wá lwàn ka jì pucunı. ¹⁰ Á muŋə á tiàn *Yuu-Tiu yáá nə! Yá v wa zìn aba.

Á dānà ká cəgə duən!

¹¹ À nubia-ba, á dānà ká cəgə duən! Lìu tə, v nə cəgə v don, v nə yí v nubiu *Kərisə yırı, nə à yèé v nə bürì v bura, ku tíú yí yoo tə, Yu nə pın v

*nii tə, ku yuu wa v cəgə. Ku ga yi Yu nii tə bura nə v bəri. Yá də liù nə bəri Yu nii tə bura, ku tíú kúbù wàrì ku nii təntə nə v twá. U dān yi ku bura nə v bəri. ¹² Yu cici nə pín v nii là nə. U mù cici nə wàá là bura bəri. U mù cici nə wàá là v joŋə ba cuna wa. U mù cici nə wàá ba v cùgà də. Sə n mù! N mù nə yi wàà, n ma bəri n don bura?

Á dānà ká ya fwiə là!

(Likə 12.16-20)

¹³ He! Á mù, á cuga nə síún nə! Á mù là tə, á yàá swìn, á wú: «Zèn, nə à yèé jwian, nə wá va tiv ku tə, nə à yèé ku tə. Nə wá fwa bini lá, nə wá yoli wiən, nə ga wá na nywarì nətən lá.» ¹⁴ Á mù là tə, á nə yəri won tə nə wá yí á mu tə jwian nə. Á yi ndə fanyu nə, ku dání mancín, ku ga píi ku jén. ¹⁵ Á mə, sə á swìn, á wú: «Də *Yuu-Tiu nə swə nə mu tə, nə wá ya luv wa, nə wá fwa ku tə də ku tə.» ¹⁶ Yá á mù con ku tà nətə. Á yi fwiə là, á ga tə bwi á tiàn nə, də ku mə. Á nə zín á tiàn nətə tə, ku yiri ba zian. ¹⁷ Liù tə, v nə yèé zəni tə, v nə mə, sə v fwa, yá v ga ba ku fwa, v ken v tiàn cuna wa.

5

Á zurə á yira, jujə tián-ba!

(Matia 3.5)

¹ He! Á mù jujə tián-ba! Á bubwiə á kə yu nə zənzən, pucvni yìèn tə yiri, tə nə wá yí aba! ² Á jujə wiən tə púá! Kwiu dí á ganan! ³ Á səbiu tə dí sinu. Ku sinu tə wá ya won tə, ku nə wá pa ba bəri á bura. Ku wá ya ndə mən nə, ku dá á yira tə. Luv zaŋv máŋá bwələ, yá á mù tə wulə á pè wiən tə, tə kwənə nə dáá, á pín á tiàn nə. ⁴ Tùtùnnà nə tun á kárí wa, ba cə tə wiən tə, á ba ba ŋwín. Ba là təntə, á nə wə ŋwín tə, bubwiə dīgà ka tu *Yuu-Tiu zian wa. U mù nə wulə tə mə yuu wa. ⁵ Á wulə luv wa, ywání də jujə fira

wiən wa. Á dí zəni, á nwi ndə vəná nə, ba nə kuni, sə ba gu ba dó. ⁶ Á buri
lìà tə nə yi cígá tiàn, ba nə wà yoo cùgù, bura. Á gua ba, ba ga wà ba tiàn
nə cì.

Pínú də yijuni

(Ebərə-ba 10.35-37, 6.12, Zwakə 1.12, Matia 5.33-37)

⁷ À nubia-ba, á jana pínú, á ma diàn *Yuu-Tiu túrí tə. Á nəḡə, valu nə jə
pínú nətu. U yàá diàn v kára wiən, tə bà tə bi zəni tə pa wá. U yàá ja v
tiàn v diàn təntən dwè tə də talikwa dwè tə nə yàá nà. ⁸ Á ziga diàn. Á də
me, sə á ja pínú nətu, Yuu-Tiu túrí dun tə nə bwélé yiri. ⁹ À nubia-ba, á
dànà ká ḡuḡwin duən pwéré wa, sə Yu dân ká buri á bura. Yuu-Tiu, v nə
buri bura tə, túrí bwələ. ¹⁰ À nubia-ba, Yu nii *sùsùnà tə swìn Yuu-Tiu yiri.
Ba dí càn, yá ba ga ja pínú. Á tíş ba càn tə, də ba pínú tə, á ma man á tiàn,
sə á də fwa ndə ba nə. ¹¹ Á nəḡə, nə wàá nə swìn də, ba yi lìà tə, ba nə yi
pupwən lìà, ba nə zigì diàn ba diàn tə yiri. Á nì də, ba nə swìn Zwəbə pínú
tə yoo. Yá á ni ku yígúré wa, ku tə Yuu-Tiu nə tun v pa wá. Cígá, Yu
ywəḡá nə yoo zəni. Yá v ga dəri nə yinəḡə zənzən.

¹² À nubia-ba, ku tə nə dwə tə mama, á dânà ká tì yu ku tə, nə à yèé tia
ka tə, nə à yèé won yiri don mama yiri, á ma dù. Á nə sè yoo, sə á le:
«Awo!» Á nə wà ku sè, sə á swìn: «On on!» Á fwa ku nətu, sə Yu bura tə
dàn ká ja aba.

(Marəkə 11.24)

¹³ Lìù nə wulə á wa, v wulə càn wa, sə ku tíú jun Yu. Lìù nə wulə á wa, v
nə jə pupwən, sə ku tíú nun nuḡi, v ma bu Yu nə. ¹⁴ Lìù nə wulə á wa, v nə
yì, sə ku tíú bon *Kərisə lìà púlí yáá tiàn tə, sə ba kə nuga v yuu wa, ba
lòrì Yu ba pa wá, də *Yuu-Tiu yiri tə. ¹⁵ Ba nə ken ba waa Zwezi nə,
Yuu-Tiu wá pa, ku tíú na yazurə, v ga zàn. Yá v nə fwa cuna, Yu wá sè v
kwen tə v mù də wá pwéré wa. ¹⁶ Á dân swián á cuna, á biri duən, á ga jun

Yu á pa duən nə, sə ku pa á na yazurə. Cígá tíú yljunı tutunı jə sánú zənzən. ¹⁷ Á lie Yu nii *sùsùnù Eli yoo. U yın ləzwənə ndə nə nə. U lèrì Yu, sə dwà dān ká nà. Yá dwà wà nì tia yuu wa, ku nə zıgı ku máná tə wa, ku ja va bina batwa də cànı bardu. ¹⁸ Ku kwa nə, u kùù lèrì, sə dwà bà ka nà. Yá Yu kùù pın dwà bà ka nà. Wiən kùù pén tə zìn bia tia yuu wa.

Talukwa tutunı

(1 Piyeə 4.8)

¹⁹⁻²⁰ À nubia-ba, á wa liù don nə dugv Yu cígá cwəŋə tə, liù don wàá u pıı u ja wá, u twi ku cwəŋə təntə wa. Ku tíú tə me, sə u lwarı də, u nə pıı u ja wá, u nan u juun tə wa, u bà Yu con tə, u jon cunv təntə tian juun wa. Yá u cuna nə swə tə dáá nətv yiri mama, Yu wá sè u kwən tə u mù də wá pwérə wa.